

PRIJEDLOG

Na osnovu člana 144. Zakona o zaštiti prirode u Federaciji BiH („Službene novine Federacije Bosne i Hercegovine“ broj 66/13 /28.8.2013.) i člana 18.Statuta općine Maglaj („Službene novine općine Maglaj“ broj 8/07, 03/08 i 06/08) , Općinsko vijeće Općine Maglaj, na sjednici održanoj dana _____ 2022. godine, d o n o s i

ODLUKA

Član 1.

Općinsko vijeće Općine Maglaj daje saglasnost za uspostavu zaštićenih područja prirode u općini Maglaj, i to planinski vrh Matinski vis na području mjesne zajednice Čobe i Kopice, zemljište označeno sa k.č.broj 1534 i k.č.broj 1509 k.o. Kopice i k.č.broj 654, 655, 656, 657, 658, 659 i dio k.č.broj 643/1, 642 i 630 k.o. Čobe, površine 552,7 ha, kao i za aktivnosti koje se vode u tom cilju.

Član 2.

Ovaj Zaključak stupa na snagu danom donošenja i ima se objaviti u Službenom Novinama općine Maglaj.

Broj:
Datum.

Predsjedavajuća
Svjetlana Zamboni

Obrazloženje

Organizacije civilnog društva Zeničko - dobojskog kantona pokrenule su niz inicijativa koje bi trebale doprinijeti uspostavi novih zaštićenih područja prirode na području Ze - do kantona, između ostalih su i Matinski vis u općinama Žepče i Maglaju i Mokra Megara u općini Maglaj.

U tom smislu Udruženje građana Fojničani iz Maglaja sa partnerima, realiziraju inicijativu „Zagovaranje novih zaštićenih područja i održavog upravljanja prirodom u Zeničko – dobojskom kantonu“ u okviru projekta „Misli o prirodi“ koji implementira Centar za promociju civilnog društva uz finansijsku podršku Švedske.

U sklopu te inicijative pokrenute su mnoge aktivnosti koje bi trebale doprinijeti da općina Maglaj dobije svoja prva zaštićena područja prirode prema međunarodno priznatim standardima.

Maglaj je još u bivšoj državi bio prepoznat kao mjesto iznimno bogate prirodne i kulturne baštine, te su 60-tih godina prošlog stoljeća i načinjeni prvi koraci na zaštiti prirode.

Već tada je na temelju Zakona o zaštiti prirode BiH („Službeni list SR BiH“ broj 4/65), pećina Mokra Megara kod Donjeg Rakovca u općini Maglaj, proglašena zaštićenim područjem prirode u rangu spomenika prirode. Međutim kako je novi zakon donešen tek 2013. godine, a trebalo je uraditi reviziju ranije proglašanih spomenika prirode (koji su bili proglašeni do 2003. godine među kojima je bila i Mokra Megara) od strane Federalnog zavoda za zaštitu prirode, koji nažalost nikada nije formiran

Zbog svega navedenog je ponovno pokrenuta inicijativa za zaštitu Mokre Megare prema međunarodnim standardima, ista kao i za sva zaštićena područja, gdje bi bila u kategoriji III b - Spomenik prirode.

Takođe na području Matinskog visa je realiziran značajni dio naučnih istraživanja, gdje bi isti trebao biti proglašen u kategoriji IIIa - Park prirode.

Obzirom da su oba predložena područja u općini Maglaj, predložena u treću kategoriju zaštite, za donošenje zakonskog akta nadležna je Skupština Zeničko - dobojskog kantona, kako je predviđeno članom 144, stav 2. Zakona o zaštiti prirode FBiH.

Dakle, za svako zaštićeno područje Skupština donosi akt o proglašenju u formi zakona, te bi tako Mokra Megara i Matinski vis imali svoje odvojene zakone.

Zakon o proglašenju se zasniva na stručnom obrazloženju kojim se utvrđuju vrijednosti područja ili komponente prirode koja se predlaže za zaštitu.

U tom smislu se rade priprema za zakonom propisano stručno obrazloženje koje će biti dostavljeno Skupštini Zeničko - dobojskog kantona.

Međutim prije izrade prijedloga zakona, potrebno je u skladu sa članom 144. Zakona o zaštiti prirode FBiH kojim je propisano da „*Uspostava zaštićenih područja na federalnom ili kantonalnom nivou, može se provoditi uz saglasnost općinskih vijeća na čijim područjima se prema prostornom planu prostire zaštićeno područje*“, da Općinsko vijeće donese zaključak kojim daje saglasnost za uspostavu zaštićenih područja prirode u općini Maglaj.

Time lokalna zajednica podržava inicijative za zaštitu prirode, odnosno proglašenja navedenih zaštićenih područja, tako da bi usvojeni zaključak bio prilog ostaloj dokumentaciji koja će biti upućena Skupštini Ze - do kantona na dalje postupanje.

Matinski vis ima ukupnu površinu 552,7 ha, i u potpunosti je u državnom vlasništvu, gdje veći dio pripada općini Žepče oko 2/3, o čemu se izjašnjava i Općinsko vijeće Žepče

Obuhvat Mokre Megare je cca 3,9 ha, uključujući i pristupni put do pećine u državnom vlasništvu i 4 okolne parcele u privatnom vlasništvu, što nije smetnja za proglašenje zaštićene prirodne vrijednosti jer nisu potrebne saglasnosti vlasnika.

Lokalna zajednica odnosno javnost će biti uključena u postupak proglašenja Mokre Megare i Matinskog visa u spomenik, odnosno park prirode.

Prema članu 146. Zakona o zaštiti prirode FBiH, uključivanje javnosti podrazumjeva javni uvid u predloženi akt o proglašenju zaštite prirodne vrijednosti i stručno obrazloženje s kartografskom dokumentacijom.

Javni uvid će biti proveden u jedinici lokalne samouprave i traje najmanje 30 dana.

Predlagač zakona će se očitovati o svim podnesenim primjedbama i prijedlozima prilikom javnog uvida a podnesene primjedbe i prijedlozi i očitovanja postaju sastavni dio dokumentacije na kojoj će biti zasnovan prijedlog za proglašenje.

Takođe Organizacije civilnog društva koje se bave zaštitom prirode Ze - do kantona, zagovaraju i osnivanje javne kantonalne ustanove za upravljanje zaštićenim područjima.

U skladu sa navedenim, Služba je pripremila prijedlog Odluke i predlažemo da Općinsko vijeće isti usvoji.

Obrađivač:

Saračević Jasminka dipl.pravnik





Kontrolisao

Čatić Nedžad dipl.ing.geodezije.



NAČELNIK OPĆINE
Mirsad Mahmutagić





P = 552,7 ha